

雜阿含經

第
七
十
二

二
百
七
十
三
川
二

49483



雜阿含經卷第二十二

宋天竺三藏求那跋陀羅譯

如是我聞一時佛在舍衛國祇樹給孤獨園
時有一天子容色絕妙於後夜時來詣佛所
稽首佛足退坐一面身諸光明遍照祇樹給
孤獨園時彼天子說偈白佛

不處難陀林 終不得快樂 切利天居中

得天帝名稱

今時世尊說偈答言

童蒙汝何知 阿羅漢所說 一切行無常

是則生滅法 生者既復滅 俱寂滅為樂

時彼天子復說偈言



久見婆羅門。逮得般涅槃。一切怖已過。

永超世恩愛。

時彼天子聞佛所說歡喜隨喜。誓首佛足即沒不現。

如是我聞。一時佛住舍衛國祇樹給孤獨園。時有一天子容色絕妙。於後夜時來詣佛所。誓首佛足退坐。一面身諸光明遍照祇樹給孤獨園。時彼天子即說偈言。

斷一切鈎鎖。牢屋無有家。沙門著教化。

我不說善哉。

尔時世尊說偈答言。

一切衆生類。悉共相纏縛。其有智慧者。

孰能不慙傷。善逝哀愍故。常教授衆生。

哀愍衆生者。是法之所應。

時彼天子復說偈言。

久見婆羅門。逮得般涅槃。一切怖已過。

永超世恩愛。

時彼天子聞佛所說歡喜隨喜即沒不現。

如是我聞一時佛在舍衛國祇樹給孤獨園。時有天子容色絕妙於後夜時來詣佛所誓首佛足身諸光明遍照祇樹給孤獨園時彼天子而說偈言。

常習慙愧心。此人時時有。能遠離諸惡。

如願鞭良馬。

尔時世尊說偈答言

常習慙愧心

此人實希有

能遠離諸惡

如願鞭良馬

時彼天子復說偈言

久見婆羅門

逮得般涅槃

一切怖悉過

永超世恩愛

時彼天子聞佛所說歡喜隨喜稽首佛足即
沒不現

如是我聞一時佛在舍衛國祇樹給孤獨園

時有天子容色絕妙於後夜時來詣佛所誓
首佛足身諸光明遍照祇樹給孤獨園時彼
天子說偈問佛

不習近正法。樂著諸邪見。睡眠不自覺。

長劫心能悟。

尔時世尊說偈答言。

專修於正法。遠離不善業。是漏盡羅漢。

險惡世平等。

時彼天子復說偈言。

久見婆羅門。逮得般涅槃。一切怖悉過。

永超世恩愛。

時彼天子聞佛所說歡喜隨喜稽首佛足即

沒不現。

如是我聞一時佛在舍衛國祇樹給孤獨園。

時有天子容色絕妙於後夜時來詣佛所稽

首佛足身諸光明遍照祇樹給孤獨園時
天子而說偈言

以法善調伏 不墮於諸見 雖復著睡眠

則能隨時悟

亦時世尊說偈答言

若以法調伏 不隨餘異見 無知已究竟

能度世恩愛

時彼天子復說偈言

久見婆羅門 逮得般涅槃 一切怖已過

永超出世恩愛

時彼天子聞佛所說歡喜隨喜稽首佛足即

沒不現

如是我聞一時佛在舍衛國祇樹給孤獨園
時有天子容色絕妙於後夜時來詣佛所誓
首佛足身諸光明遍照祇樹給孤獨園時彼
天子說偈問佛

若羅漢比丘

自所作已作

一切諸漏盡

持此後邊身

記說言有我

及說我所不

亦時世尊即說偈答

若羅漢比丘

自所作已作

一切諸漏盡

持此後邊身

正復說有我

我所亦無咎

時彼天子復說偈言

若羅漢比丘

自所作已作

一切漏已盡

持此最後身

心依於我慢

而說言有我

及說於我所 有如是說不

亦時世尊說偈荅言

已離於我慢 無復我慢心

超越我我所

我說為漏盡

於彼我我所

心已永不著

善解世名字

平等假名說

時彼天子復說偈言

久見婆羅門

逮得般涅槃

一切怖已過

永超世恩愛

時彼天子聞佛所說歡喜隨喜稽首佛足即

沒不現

如是我聞一時佛在舍衛國祇樹給孤獨園

時有天子容色絕妙於後夜時來詣佛所稽

首佛足身諸光明遍照祇樹給孤獨園時彼
天子說偈白佛

若羅漢比丘 漏盡持後身 頗說言有我

及說我所不

亦時世尊說偈荅言

若羅漢比丘 漏盡持後身 亦說言有我

及說有所

時彼天子復說偈言

若羅漢比丘 自所作已作 已盡諸有漏

唯持最後身 何言說有我 說何是我所

亦時世尊說偈荅言

若羅漢比丘 自所作已作 一切諸漏盡

唯持最後身。說我漏已盡。亦不著我所。

善解世名字。平等假名說。

時彼天子聞佛所說歡喜隨喜即沒不現。

如是我聞一時佛住舍衛國祇樹給孤獨園。

今時羅睺羅阿脩羅王障月天子時諸月天

子悉皆恐怖來詣佛所誓首佛足退住一面

說偈歎佛。

今禮最勝覺。能脫一切障。我今遭苦惱。

是故來歸依。我等月天子。歸依於善逝。

佛哀愍世間。願解阿脩羅。

今時世尊說偈答言。

破壞諸闇冥。光明照虛空。今鞞魯遮那。

清淨光明顯

羅睺避虛空

速放飛兔像

羅睺阿修羅

即捨月而還

舉體悉流汗

戰怖不自安

神愒志迷亂

猶如重病人

時有阿修羅名曰婆稚見羅睺羅阿修羅疾

捨月還便說偈言

羅睺阿修羅

捨月一何速

神體悉流汗

猶如重病人

羅睺羅阿修羅說偈荅言

瞿曇說呪偈

不速捨月者

或頭破七分

受諸隣死苦

婆稚阿修羅復說偈言

佛興未曾有

安隱於世間

說呪偈能令

羅睺羅捨月

佛說此經已時月天子聞佛所說歡喜隨喜
作禮而去

如是我聞一時佛住舍衛國祇樹給孤獨園
時有一天子容色絕妙於後夜時來詣佛所
誓首佛足退坐一面身諸光明遍照祇樹給

孤獨園時彼天子說偈問佛

為有族本不
有轉生族耶

有俱相屬無

云何解於縛

尔時世尊說偈答言

我無有族本
亦無轉生族

俱相屬永斷

解脫一切縛

時彼天子復說偈言

何名為族本 云何轉生族

云何俱相屬

何名為堅縛

爾時世尊說偈答言

母為世族本

妻名轉生族

子俱是相屬

愛欲為堅縛

我無此族本

亦無轉生族

俱相屬亦無

是名脫堅縛

時彼天子復說偈言

善哉無族本

無生族亦善

善哉無相屬

善哉縛解脫

久見婆羅門

逮得般涅槃

一切怖已過

永超世恩愛

時彼天子聞佛所說歡喜隨喜稽首佛足即

沒不現

如是我聞一時佛住釋氏優羅提那塔所
時世尊新剃鬚髮於後夜時結加趺坐直身
正意繫念在前以衣覆頭時優羅提那塔邊
有天神住放身光明遍照精舍白佛言沙門
憂耶佛告天神何所忘失天神復問沙門爲
歡喜耶佛告天神爲何所得天神復問沙門
不憂不喜耶佛告天神如是如是爾時天神
即說偈言

爲離諸煩惱

爲無有歡喜

云何獨一住

非不樂所壞

爾時世尊說偈答言

我無惱解脫。亦無有歡喜。不樂不能壞。故獨一而住。

時彼天神復說偈言

云何得無惱。云何無歡喜。云何獨一住。

非不樂所壞。

亦時世尊說偈答言

煩惱生歡喜。喜亦生煩惱。無惱亦無喜。

天神當護持。

時彼天神復說偈言

善哉無煩惱。善哉無歡喜。善哉獨一住。

不為不喜壞。久見婆羅門。逮得般涅槃。

一切怖已過。永超世恩愛。

時彼天神聞佛所說歡喜隨喜稽首佛足即
沒不現

如是我聞一時佛住舍衛國祇樹給孤獨園
時有一天子容色絕妙於後夜時來詣佛所
稽首佛足身諸光明遍照祇樹給孤獨園時
彼天子而說偈言

猶如利劍害

亦如頭火然

斷除貪欲火

正念求遠離

亦時世尊說偈答言

譬如利劍害

亦如頭火然

斷除於後身

正念求遠離

時彼天子復說偈言

久見婆羅門。逮得般涅槃。一切怖已過。
永超出世恩愛。

時彼天子聞佛所說歡喜隨喜。瞽首佛足即
沒不現。

如是我聞。一時佛住舍衛國祇樹給孤獨園。
時有一天子。容色絕妙。於後夜時來詣佛所。
瞽首佛足身諸光明遍照。祇樹給孤獨園時。
彼天子而說偈言。

天女衆圍繞。如毗舍脂衆。癡惑叢林中。
何由而得出。

今時出尊說偈。答言。

正直平等道。離恐怖之方。乘寂默之車。

法想為密覆

慙愧為長縻

正念為羈絡

智慧善御士

正見為前導

如是之妙乘

男女之所乘

出生死叢林

遠得安樂處

時彼天子復說偈言

久見婆羅門

逮得般涅槃

一切怖已過

永超世恩愛

時彼天子聞佛所說歡喜隨喜誓首佛足即

沒不現

如是我聞一時佛住舍衛國祇樹給孤獨園

時有一天子容色絕妙於後夜時來詣佛所

誓首佛足身諸光明遍照祇樹給孤獨園時

彼天子說偈問佛

有四輪九門

充滿貪欲住

深溺烏泥中

大象云何出

尔時世尊說偈答言

斷愛喜長縻

貪欲等諸惡

拔愛欲根本

正向於彼處

時彼天子復說偈言

又見婆羅門

逮得般涅槃

一切怖已過

永超世恩愛

時彼天子聞佛所說歡喜隨喜稽首佛足即

沒不現

如是我聞一時佛住舍衛國祇樹給孤獨園

時有一天子容色絕妙於後夜時來詣佛所

誓首佛足退坐一面身諸光明遍照祇樹給
孤獨園時彼天子說偈問佛

賴吒槃提國 有諸商賈客 大富足財寶

各各競求富 方便欲財利 猶如然熾火

如是競勝心 欲貪常馳騁 云何當斷貪

息世間勤求

尔時世尊說偈答言

捨俗出非家 妻子及財寶

羅漢盡諸漏 正智心解脫 貪恚癡離欲 愛盡息方便

時彼天子復說偈言

又見婆羅門 逮得般涅槃 一切怖已過

永超世恩愛

時彼天子聞佛所說歡喜隨喜誓首佛足即
沒不現

如是我聞一時佛住舍衛國祇樹給孤獨園
尔時世尊告諸比丘過去世時拘薩羅國有
諸商人五百乘車共行治生至曠野中時有
五百群賊在後隨逐伺便欲作劫盜時曠野
中有一天神止住路側時彼天神作是念當
往詣彼拘薩羅國諸商人所問其義理若彼
商人喜我所問時解說者我當方便令其安
隱得脫賊難若不喜我所問者當放捨之如
餘天神時彼天神作是念已即放身光遍照
商人車營而說偈言

誰於覺睡眠。

誰復睡眠覺。

誰有解此義。

誰能爲我說。

尔時商人中有一優婆塞信佛信法信比丘
僧一心向佛法僧歸依佛法僧於佛離疑於
法僧離疑於苦集滅道離疑見四聖諦得第
一無間等果在商人中與諸商人共爲行侶
彼優婆塞於後夜時端坐思惟繫念在前於
十二因緣逆順觀察所謂是事有故是事有
是事起故是事起謂緣無明行緣行識緣識
名色緣名色六入處緣六入處觸緣觸受緣
受愛緣愛取緣取有緣有生緣生老死憂悲
惱苦如是純大苦聚集如是無明滅則行滅

行滅則識滅。識滅則名色滅。名色滅則六入處滅。六入處滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死憂悲惱苦滅。如是如是。純大苦聚滅時。彼優婆塞如是思惟已。而說偈言。

我於覺睡眠。

我於睡眠覺。

我解知此義。

能爲人記說。

時彼天神問優婆塞云。何覺睡眠。云何睡眠。覺云。何能解知。云何能記說。時優婆塞說偈。

答言。

貪欲及瞋恚。

愚癡得離欲。

漏盡阿羅漢。

正智心解脫。

彼則爲覺悟。

我於彼睡眠。

不知因生苦

及苦因緣集

於此一切苦

得無餘滅盡

又不知正道

等趣息苦處

斯等為常眠

我於彼則覺

如是覺睡眠

如是睡眠覺

如是善知義

如是能記說

時彼天神復說偈言

善哉覺睡眠

善哉眠中覺

善哉解知義

善哉能記說

久遠乃今見

諸兄弟而來

緣汝恩力故

令諸商人眾

得免於劫賊

隨道安樂去

如是諸比丘彼拘薩羅澤中諸商人眾皆得

安隱從曠野出佛說此經已諸比丘聞佛所

說歡喜奉行

如是我聞。一時佛住舍衛國祇樹給孤獨園。爾時世尊告諸比丘。過去世時海洲上優婆塞。至他優婆塞舍會坐。極毀些欲言。此欲者虛妄不實。欺誑之法。猶如幻化。誑於嬰兒。還自己舍。恣於五欲。是優婆塞舍。有天神止住。時彼天神作是念。是優婆塞。不勝不類於餘優婆塞。舍會坐衆中。極毀些欲言。如是欲者。虛偽不實。欺誑之法。如誑嬰兒。還已舍。已自恣五欲。我今寧可發令覺悟。而說偈言。

於大聚會中

毀些欲無常

自沒於愛欲

如牛溺深泥

我觀彼會中

諸優婆塞等

多聞明解去

奉持於淨戒

汝見彼樂法

而說欲無常。如何自恣欲。不斷於貪愛。何故樂世間。畜妻子眷屬。

時彼天神如是如是開覺彼優婆塞已如是如是彼優婆塞覺悟已剃除鬚髮著袈裟衣正信非家出家學道精勤修習盡諸有漏得阿羅漢佛說此經已諸比丘聞佛所說歡喜奉行。

如是我聞一時佛住王舍城寒林中丘塚間時給孤獨長者有小因緣至王舍城止宿長者舍夜見長者告其妻子僕使作人言汝等皆起破樵然火炊飯作餅調和衆味莊嚴堂舍給孤獨長者見已作是念今此長者何所

爲作爲嫁女娶婦耶爲請賓客國王大臣耶
念已即問長者汝何所作爲嫁女娶婦爲請
賓客國王大臣耶時彼長者答給孤獨長者
言我不嫁女娶婦亦不請呼國王大臣唯欲
請佛及比丘僧設供養耳時給孤獨長者聞
未曾聞佛名字已心大歡喜身諸毛孔皆悉
怡悅問彼長者言何名爲佛長者答言有沙
門瞿曇是釋種子於釋種中剃除鬚髮著袈
裟衣正信非家出家學道得阿耨多羅三藐
三菩提是名爲佛給孤獨長者言去何名僧
彼長者言若婆羅門種剃除鬚髮著袈裟衣
信家非家而隨佛出家或刹利種毗舍種首

陀羅種善男子等剃除鬚髮著袈裟衣正信
非家彼佛出家而隨出家是名爲僧今日請
佛及現前僧設諸供養給孤獨長者問彼長
者言我今可得往見世尊不彼長者答言汝
且住此我請世尊來至我舍於此得見時給
孤獨長者即於其夜至心念佛因得睡眠天
猶未明忽見明相謂天已曉欲出其舍行向
城門至城門下夜始二更城門未開王家常
法待遠使命來往至初夜盡城門乃閉中夜
已盡輒復開門欲令行人早得往來尔時給
孤獨長者見城門開而作是念定是夜過天
曉門開乘明相出於城門出城門已明相即

滅輒還闇冥給孤獨長者心即恐怖身毛為
豎得無為人及非人或姦妖人恐怖我耶即
便欲還余時城門側有天神住時彼天神即
放身光從其城門至寒林丘塚間光明普照
告給孤獨長者言汝且前進可得勝利慎勿
退還時彼天神即說偈言

善良馬百疋

黃金滿百斤

騾車及馬車

各各有百乘

種種諸珍奇

重寶載其上

宿命種善根

得如此福報

若人宗重心

向佛行一步

十六分之一

過前福之上

是故長者汝當前進慎勿退還即復說偈

雪山大龍象

純金為莊飾

巨身長大牙

以此象施人 不及向佛福 十六分之一
是故長者當速前進得其大利非退還也復
說偈言

金菩闍國女 其數有百人 種種衆妙寶

瓔珞具莊嚴 以此持施與 不及行向佛

一步之功德 十六分之一

是故長者當速前進得其勝利非退還也時

給孤獨長者問天神言賢者汝是何人天神

答言我是摩頭息捷大摩那婆先是長者善

知識於尊者舍利弗大目犍連所起信敬心

緣斯功德今得生天與此城門是故告長者

但當進前慎勿退還前進得利非退還也時

給孤獨長者作是念佛興於世非爲小事得
聞正法亦非小事是故天神勸我令進往見
世尊時給孤獨長者尋其光明逕至寒林丘
塚間尔時世尊出房露地經行給孤獨長者
遙見佛已即至其前以俗人禮法恭敬問訊
云何世尊安隱卧不尔時世尊說偈答

婆羅門涅槃

是則常安樂

愛欲所不染

解脫永無餘

斷一切希望

調伏心熾然

心得寂止息

止息安隱眠

尔時世尊將給孤獨長者往入房中就座而
坐端身繫念尔時世尊爲其說法亦教照喜
已世尊說諸法無常宣布施福事持戒福事

生天福事欲味欲患欲出遠離之福給孤獨
長者聞法見法得法入法解法度諸疑惑不
由他信不由他度入正法律心尋無畏即從
座起正衣服爲佛作禮右膝著地合掌白佛
言已度世尊已度善逝我從今日盡其壽命
歸佛歸法歸比丘僧爲優婆塞證知我今時
世尊問給孤獨長者汝名何等長者白佛名
須達多以常給孤貧辛苦故時人名我爲給
孤獨世尊復問汝居何處長者白佛言世尊
在拘薩羅人間城名舍衛唯願世尊來舍衛
國我當盡壽供養衣被飲食房舍床卧隨病
湯藥佛問長者舍衛國有精舍不長者白佛

無也。世尊佛告長者：汝可於彼建立精舍，令諸比丘往來宿止。長者白佛：但使世尊來舍，衛國我當造作精舍僧房。令諸比丘往來止住。今時世尊默然受請。時長者知佛世尊默然受請，已從座起，稽首佛足而去。

如是我聞。一時佛住舍衛國祇樹給孤獨園。

時給孤獨長者疾病命終，生兜率天。為兜率天子，作是念：我不應久住於此。當往見世尊。作是念已，如力士屈伸臂，頃於兜率天沒現於佛前，稽首佛足，退坐一面。時給孤獨天子身放光明，遍照祇樹給孤獨園。時給孤獨天子而說偈言：

於此祇洹林

仙人僧住止

諸王亦住此

增我歡喜心

深信淨戒業

智慧為勝壽

以此淨衆生

非族姓財物

大智舍利弗

正念常寂默

閑居修遠離

初建業良友

說此偈已即沒不現

余時世尊其夜過已入於僧中敷座師壇於

衆前坐告諸比丘今此夜中有一天子容色

絕妙來詣我所稽首我足退坐一面而說偈言

於此祇洹林

仙人僧住止

諸王亦住此

增我歡喜心

深信淨戒業

智慧為勝壽

以此淨衆生

非族姓財物

大智舍利弗

正念常寂默

閑居修遠離

初建業良友

尔時尊者阿難白佛言世尊如我解世尊所
說給孤獨長者生彼天上來見世尊然彼給
孤獨長者於尊者舍利弗極相敬重佛告阿
難如是如是阿難給孤獨長者生彼天上來
見於我尔時世尊以尊者舍利弗故而說偈言
一切世間智 唯除於如來 比舍利弗智
十六不及一 如舍利弗智 天人悉同等
比於如來智 十六不及一
佛說此經已諸比丘聞佛所說歡喜奉行
如是我聞一時佛住曠野精舍時有曠野長
者疾病命終生無熱天生彼天已即作是念
我今不應久於此住不見世尊作是念已如

力士屈伸臂頃從無熱天沒現於佛前時彼天子天身萎地不能自立猶如蘇油萎地不能自立如是彼天子天身細軟不自持立介時世尊告彼天子汝當變化作此鹿身而立於地時彼天子即自化形作此鹿身而立於地於是天子前禮佛足退坐一面介時世尊告手天子汝手天子本於此間爲人身時所受經法今故憶念不悉忘耶手天子白佛言世尊本所受持今悉不忘本人間時有所聞法不盡得者今亦憶念如世尊善說世尊說言若人安樂處能憶持法非爲苦處此說真實如世尊在閻浮提種種雜類四衆圍繞而

為說法彼諸四眾聞佛所說皆悉奉行我亦
如是於無熱天上為諸天人大會說法彼諸
天眾悉受修學佛告手天子汝於此人間時
於幾法無厭足故而得生彼無熱天中手天
子白佛世尊我於三法無厭足故身壞命終
生無熱天何等三法我於見佛無厭故身壞
命終生無熱天我於佛法無厭足故生無熱
天供養眾僧無厭足故身壞命終生無熱天
時手天子即說偈言

見佛無厭足

聞法亦無厭

供養於眾僧

亦未曾知足

受持賢聖法

調伏慳著垢

三法不知足

故生無熱天

時手天子聞佛所說歡喜隨喜即沒

如是我聞一時佛住舍衛國祇樹給孤獨園

時有無煩天子容色絕妙來詣佛所誓首佛

足退坐一面其身光明遍照祇樹給孤獨園

時彼天子而說偈言

生彼無煩天 解脫七比丘 貪瞋恚已盡

超世度恩愛 誰度於諸流 難度死魔軍

誰斷死魔縻 永超煩惱軌

爾時世尊說偈荅言

尊者優波迦 及波羅捷茶 弗迦羅娑梨

跋提捷陀疊 亦婆休難提 及波毗瘦菟

如是等一切 悉皆度諸流 斷絕死魔縻

度彼難度者

斷諸死魔縻

超越諸天軌

說甚深妙法

覺悟難知者

巧便問深義

汝今為是誰

時彼天子說偈白佛

我是阿那含

生彼無煩天

故能知斯等

解脫七比丘

盡貪欲瞋恚

永超世恩愛

爾時世尊復說偈言

眼耳鼻舌身

第六意入處

若彼名及色

得無餘滅盡

能知此諸法

解脫七比丘

貪有悉已盡

永超世恩愛

時彼天子復說偈言

鞞跋楞伽村

我於彼中住

名難提婆羅

造作諸瓦器

迦葉佛弟子

持優婆塞法

供養於父母

離欲修梵行

世世為我友

我亦彼知識

如是等大士

宿命共和合

善修於身心

持此後邊身

尔時世尊復說偈言

如是汝賢士

如汝之所說

鞞跋楞伽村

名難提婆羅

迦葉佛弟子

受優婆塞法

供養於父母

離欲修梵行

昔是汝知識

汝亦彼良友

如是諸正士

宿命共和合

善修其身心

持此後邊身

佛說此經已時彼天子聞佛所說歡喜隨喜

即沒不現

如是我聞一時佛住舍衛國祇樹給孤獨園
時有一天子容色絕妙於後夜時來詣佛所
稽首佛足退坐一面身諸光明遍照祇樹給
孤獨園時彼天子說偈問佛

此世多恐怖

衆生常惱亂

已起者亦苦

未起亦當苦

頗有離恐處

唯願慧眼說

尔時世尊說偈答言

無有異苦行

無異伏諸根

無異一切捨

而得見解脫

時彼天子復說偈言

久見婆羅門

逮得般涅槃

一切怖已過

永超世恩愛

時彼天子聞佛所說歡喜隨喜誓首佛足即
沒不現

如是我聞一時佛住舍衛國祇樹結孤獨園
時有一天子容色絕妙於後夜時來詣佛所
誓首佛足退坐一面身諸光明遍照祇樹給
孤獨園時彼天子說偈問佛

云何諸衆生

受身得妙色

云何修方便

而得乘出道

衆生住何法

為何所修習

為何等衆生

諸天所供養

尔時世尊說偈答言

持戒明智慧

自修習正受

正直心繫念

熾然憂悉滅

得平等智慧

其心善解脫

斯等因緣故

受身得妙色

成就乘出道

心住於中學

如是德修者

為諸天供養

時彼天子復說偈言

久見婆羅門

逮得般涅槃

一切怖已過

永超世恩愛

時彼天子聞佛所說歡喜隨喜我誓首佛足即

沒不現

如是我聞一時佛住舍衛國祇樹給孤獨園

時有一天子容色絕妙於後夜時來詣佛所

誓首佛足退坐一面身諸光明遍照祇樹給

孤獨園彼時天子而說偈言

沉沒於睡眠 欠味不欣樂

飽食心憤悶

懈怠不精勤。斯十覆衆生。聖道不顯現。

今時世尊說偈荅言。

心沒於睡眠。欠味不欣樂。飽食心憤悶。

懈怠不精勤。精勤修習者。能開發聖道。

時彼天子復說偈言。

久見婆羅門。逮得般涅槃。一切怖已過。

永超世恩愛。

時彼天子聞佛所說歡喜隨喜。誓首佛足即

沒不現。

如是我聞。一時佛住舍衛國祇樹給孤獨園。

時有一天子容色絕妙。於後夜時來詣佛所。

誓首佛足退坐。一面身諸光明遍照。祇樹給

孤獨園時彼天子而說偈言

外纏結非纏 內纏纏衆生

今問於瞿曇

誰於纏離纏

亦時世尊說偈答言

智者建立戒 內心修智慧

比丘勤修習

於纏得解纏

時彼天子復說偈言

久見婆羅門 建得般涅槃

一切怖已過

永超世恩愛

時彼天子聞佛所說歡喜隨喜稽首佛足即

沒不現

如是我聞一時佛住舍衛國祇樹給孤獨園

時有一天子容色絕妙於後夜時來詣佛所
稽首佛足退坐一面身諸光明遍照祇樹給
孤獨園時彼天子而說偈言

難度難可忍

沙門無知故

多起諸艱難

重鈍溺沉沒

心隨覺自在

數數溺沉沒

沙門云何行

善攝護其心

尔時世尊說偈答言

如龜善方便

以殼自藏六

比丘習禪思

善攝諸覺想

其心無所依

他莫能恐怖

是則自隱密

無能誹謗者

時彼天子復說偈言

久見婆羅門

逮得般涅槃

一切怖已過

永超世恩愛

時彼天子聞佛所說歡喜隨喜誓首佛足即
沒不現

如是我聞一時佛住舍衛國祇樹給孤獨園
時有天子容色絕妙於後夜時來詣佛所誓
首佛足身諸光明遍照祇樹給孤獨園時彼
天子說偈問佛

薩羅小流注

當於何反流

生死之徑路

於何而不轉

世間諸苦樂

何由滅無餘

亦時世尊說偈答言

眼耳鼻舌身

及彼意入處

名色滅無餘

薩羅小還流

生死道不轉

苦樂滅無餘

時彼天子復說偈言

久見婆羅門 逮得般涅槃 一切怖已過

永超世恩愛

時彼天子聞佛所說歡喜隨喜誓首佛足即

沒不現

如是我聞一時佛住在舍衛國祇樹給孤獨

園時有天子容色絕妙於後夜時來詣佛所

誓首佛足身諸光明遍照祇樹給孤獨園時

彼天子說偈問佛

伊尼耶鹿躡 仙人中之尊 少食不嗜味

禪思樂山林 我今敬誓首 而問於瞿曇

云何出離苦 云何苦解脫 我今問解脫

於何而滅盡

尔時世尊說偈答言

世間五欲德 心法說第六

於彼欲無欲

解脫一切苦 如是於苦出

如是苦解脫

汝所問解脫 於彼而滅盡

時彼天子復說偈言

久見婆羅門 逮得般涅槃 一切怖已過

永超世恩愛

時彼天子聞佛所說歡喜隨喜稽首佛足即

沒不現

如是我聞一時佛住舍衛國祇樹給孤獨園
時有天子容色絕妙於後夜時來詣佛所誓

首佛足退坐一面身諸光明遍照祇樹給孤
獨園時彼天子說偈問佛

云何度諸流 云何度大海 云何能捨苦

云何得清淨

尔時世尊即說偈言

信能度諸流 不放逸度海 精進能除苦

智慧得清淨

時彼天子復說偈言

久見婆羅門 逮得般涅槃 一切怖已過

永超世恩愛

時彼天子聞佛所說歡喜隨喜誓首佛足即

沒不現

雜阿含經卷第二十二

性空佛

寶施佛

藥王佛

誓苦禮

逮

鞭

連

縻

羈

居宜

炊

餅

尺上

誰反下

麩

餅音

姦下妓上

顏古

飾

施食

痕

瘦正作

尺上

窳

反奴

候

吐

反丘

御

憤

龜

追

殼

角

欲惡

又下安各反

反

反

反

反

反

反

反

反



久

